



15. februar 2019

UPA 2019/178

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Najukkami sukkulinnik soorlu sikunik kaaginillu tunisassiortartut unammillersinnaassusaat qaffassarniarlugu sukkunut akitsuutinik utertitsisarnermut aaqqissuussinerup atuuteqqilernissaa eqquteeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Utertitsisarnermut aaqqissuussineq eqquteeqqinneqassaaq ulloq 1. januaari 2020 aallarnerfigalugu.

(Inatsisartunut ilaasortaq Justus Hansen, Demokraatit)

Tunngavilersuut

2007-mi Ukiakkut ataatsimiinnermi taamani naalakkersuisoqatigiit tunisassianut assigiinngitsunut eqqussuinermut akitsuut qaffappaat, ilaatigut sukkunut. Peqataanik aalajangerneqarpoq utertitsisarnermut aaqqissuussineq taamani atuutsinnejartoq immikkoortumi unitsinnejassasoq. Utertitsisarnermut aaqqissuussinerup nassataani nioqqtissat sukkullit pingajorarterutaannaat akitsuuteqartinnejqarpuit.

Atagu siunnersuutigineqartumut (UKA2007/60-mut) oqaaseqaatit naliginnaasut issuaaffilaatsiarlakka:

"Peqataanik siunnersuutigineqarpoq immikkoortumi utertitsisarnermut aaqqissuussinerit atuuttut atorunnaarsinnejassasut. Maannamut Nuuk Imeq a/s aamma ifflorfiit nioqqtissanut allanut atorneqartartut sukkut akitsuutaannik utertitsivigineqartarput. Utertitsisarnermut aaqqissuussinerup nassataanik sukkut eqqussorneqartut pingajorarterutaannaat akitsuusersorneqartarput. Sukkunut akitsuuteqartitsinerup siunertaraa peqqinnissaq pillugu sukkutornerup killilersorneqarnissaa taamaattumik Naalakkersuisut isumaqarput Nuuk Imeq A/S-mi ifflorfinnilu sukkut atorneqartartut akitsuusersorneqartarnissaat atuutitseqqilertariaqartoq. Utertitsisarnermut aaqqissuussinerup atorunnaarsinnejqarnera Nuuk Imeq A/S-p kiisalu ifflorfiit nioqqtissanut eqqussorneqartartunut naleqqiullugu unammillersinnaassusaannut suunngitsuaqqamik sunniuteqarumaartoq naatsorsuutigineqarpoq."¹

¹ http://arkiv.lovgivning.gl/gh.gl-love/dk/2007/ltr/ltr_nr_08-2007_indfoerelsesafgift/ltr_nr_08-2007_bemaerk_dk.htm



Uanga nammineq isumaga naapertorlugu utertitsisarnermut aaqqissuussinerup atorunnaarsinneqarnerata najukkami tunisassiorut soorlu sikunik kaaginillu unammillersinnaassusaat tunisassianut nunani allaneersunut ajornerulerpoq. Tamatuma kinguneranik nunatsinni tunisassiorneq annikillivoq avataaniillu eqqussuineq taamaasilluni qaffalluni. Isumaqpunga tamanna kukkunerusoq.

Utertitsisarnermut aaqqissuussinerup aningaasartai 2020-mut Aningaasanut Inatsisissatut siunnersummut atatillugu pingaarnersiuisoqalerpat nassaarineqassapput.

Neriuppunga Naalakkersuisut siunnersuutiga ilalerumaaraat taamatullu Inatsartuni partiit allat.

Aningaasarsiornikkut allaffissornikkullu pisortanut

Naalakkersuisut apeqqutinnut (2019/005-mut) akissutaanni takuneqarsinnaavoq, tunngavissaqareerpoq akitsuutip akilerneqareersimasup uterteqqinnejqarsinnaanissaa tigussaasumik nalileereernerup kingorna, taamaattumik inatsisitigut aporfissaqanngilaq. Aamma takuneqarsinnaavoq sukkunut akitsuutip 2019-mi 7,5 millioner koruuninik isertsissutigineqartussatut missingersuusiorneqarsimasoq. Taava taggikkutsigu sukkut equnneqartartut pingajorarterutaannaat akitsuusersorneqartartut, soorlu 2007-mi tikillugu utertitsisarnermut aaqqissuussineq taamatut nassataqartarsimasoq, taava siunnersuutip kinguneranik Låndskars ikiuumut 5 millioner koruunit missaani annaasaqartassaaq, siunnersuutip kinguneranik. Tassunga ilanngunneqassaaq pisortat utertitsisarnermut atatillugu aqtsinermanni aningaasartuutaasa qaffallatsiarnissaat.

Aningaasarsiornikkut allaffissornikkullu namminersorlutik inuutissarsiortunut kingunissai.

Utertitsisarnerup 2007-mi atorunnaarsinneqarnera qanoq najukkami sukkulinnik tunisassiorartunut kinguneqarsimanersoq pillugu paassisutissanik piniaraluarpugut, tamannali Naalakkersuisunit oqaatigineqarsinnaasimangilaq **Fejl! Bogmærke er ikke defineret..** Najukkamili sukkulinnik tunisassiorartut soorlu sikunik kaaginillu qularutissaanngitsumik ukiumut 5 millioner koruunit missaanni utertoortalissapput, tassa Låndskarsip annaasassaasa amerlaqataannik. Taamaasillutik najukkami tunisassiorartut akikinnerusumik pisistartunut tunisassiorsinnaalissapput. Taamaasippallu imaassinnaavoq najukkami tunisassiorartut kaaginik sikunillu tunisaqarnerusalersut. Kingunerisinnaavaa suliffinni namminersortuni sulisartut amerliallattut taamaasippallu inuiaqtigiiinnut akileraarutit amerlanerusut tuttalissapput. Tamatuma saniatigut utertitsisarnerup aqunneranut atatillugu sulliviit namminersortut allaffissornerat annertusiallassaaq.

Aningaasatigut allaffissornikkullu innuttaasunut kingunissai.

Najukkami tunisassiat sukkullit atuisartunut akikinnerulernissaat naatsorsuutigisariaqarpoq.



DEMOKRAATIT
DEMOKRATERNE